



YOSHLAR OVOZI

Media-reyd

ТАЛАБАЛАРНИНГ ЯШАШ ШАРОИТИ ЎРГАНИЛДИ



Республикамизнинг турли хуудларидан келган минглаб талаба-ёшлар пойтахтимиздаги олий ўқув юртларида тахсил олмоқда. Улар имкониятига қараб, ижара уйлари ёки талабалар ётоқхонасига жойлашади. Аммо ёшларнинг яшаш шaroитлари қандай?

Ёшлар иттифоқи ҳамда ҳамкор ташкилотлар вакиллари иборат ишчи гуруҳлар жойларга чиқиб, талабаларнинг яшаш шaroитларини ўрганди. Жараёнда қатор олий ўқув юртларининг талабалар ётоқхоналарида дарсдан кейинги ҳолат, маънавий-маърифий тадбирлар ўтказилиши, дарс тайёрлаш, дам олиш, овқатланиш, ювиниш, компьютер, маънавият, кўшимча тўғарак хоналари, спорт майдонлари ҳамда тарбиячи-мураббийларнинг фаолияти кузатилиди. Ислоом Каримов номидаги Тошкент давлат техника университети тасарруфидан 10 та талабалар турар жойи маъжуд. Уларда 2 минг 288 нафар ўғил-қиз истикомат қилади. Рейд давомида 68-, 56-, 71-талабалар ётоқхоналарида айрим хоналарда жиҳозлар етишмаслиги маълум бўлди. 71-сонли тўққиз қаватли талабалар турар жойида 178 нафар талаба киз яшайди. Бино иссиқ ва совуқ сув билан таъминланган. Санитария талабларига жавоб беради. Бирок 2005 йили тўлиқ таъмирланган бино сўнгги бор 2016 йилда жорий таъмирдан чиқарилган. Оқибатда ювиниш, кийим алмаштириш хоналари таъмирга муҳтож. 68-ётоқхонада ўғил болалар учун ювиниш хонасининг ички эшиги йўқ. Канализация масаласи оғир.

Гарчанд ётоқхонада тартиб-интизом намунаси йўлга қўйилган бўлса-да, бундай камчиликлардан ҳам кўз юмиб бўлмайди. Мирзо Улуғбек номидаги Ўзбекистон Миллий университети 3-, 5-, 12-, 16- ҳамда 18-талабалар турар жойларида ҳам ахвол шу. Масалан, 18-ТТЖ ҳолати қониқарли эмас. Стол, стул, шкаф ва бошқа меъбеллар муддатини ўтаб бўлган. Чойшаблар етишмайди, борлари ювилавериб, охори тўкилган. 298 талабага мўлжалланган бинода 422 нафар йиғит-қиз яшайди. 16-ТТЖда шaroитлар яхши бўлса-да, кутубхона кичик, бадий адабиёт, газета-журналлар кам. Деярли барча ётоқхоналарда китоб тарғиботи суут даражада. Ётоқхонанинг ўзида тиббий дори воситаларининг йўқлиги гуруҳ аъзолари эътиборини тортиди. Зарур ҳолларда талабаларга биринчи тез тиббий ёрдамни кўрсатиши имконияти йўқ. Навбатдаги манзил — Тошкент тўқимачилик ва енгил sanoat институти бўлди. Институтда 3 минг 325 талаба ўқийди. Шундан 895 нафари институт тасарруфидан 4 та талабалар турар жойида яшайди.

(Давоми 2-саҳифада).

1-iyun — Xalqaro bolalarni himoya qilish kuni

БЕҒУБОР ДИЛЛАР ШУКУҲИ

Халқаро болаларни ҳимоя қилиш куни мамлакатимизда ўзгача шуқуҳ ва кўтаринки руҳда нишонланмоқда



— Байрам муносабати билан барча шаҳар ва туманларимизда қатор лойиҳалар, тадбирлар ўтказилди, — дейди республика “Камалак” болалар ташкилоти бош мутахассиси Суҳроб Жўраев. — “Экология ва мен” болалар конференцияси, “Миллий ўйинчоқлар” фестивали, болаларнинг тасвирий ва амалий санъат кўргазмаси, “Мен ҳам аскар бўламан!”, “Бола ҳуқуқлари давлат ҳимоясида!” тадбирлари, “Соғлом авлод” болалар спартакиадаси, “Қадрият, урф-одат, анъана ва болалар” фестивали, болалар театр жамоаларининг чиқишлари ва “Зукко китобхон” интеллектуал танлови, шулар жумласидан.

Республикамиздаги жами 22 та Меҳрибонлик уйининг 2 минг 483 тарбияланувчисига “Бахтли болалик” лойиҳаси ва “Камалак” болалар ташкилотининг совгалари, “Биз бир сафдамиз” лойиҳаси доирасида кам таъминланган оилаларнинг 2,6 минг нафар фарзандлари учун янги ўқув йилига ўқув қуроллари, республика бўйича 42 нафар имконияти чекланган болаларга махсус аравача, эшитиш мосламаси ва бошқа керакли жиҳозлар тақдим қилинди. Болалар шифохоналарида даволанаётган 564 бола ҳолидан хабар олиш билан бирга ўйинчоқлар совга қилиниб, қувонч улашди. Лойиҳа доирасида ўтказилаётган интеллектуал танловларда гoliб бўлган 364 бола ёзги оромгоҳларда беғул дам олиш имкониятига эга бўлади. Мактабдан олис, узок масофада яшовчи 49 ўқувчига Ўзбекистон Ёшлар иттифоқининг велосипедлари, марказдан узокда жойлашган маҳаллалар учун болалар спартакиадаларида гoliб бўлган 80 та жамоага спорт инвентарлари совга қилинади. Қолаверса, Ватан, дўстлик ва бахтли болалик мавзуларидаги асфальтга расм чизиш танловида республика бўйича жами 70 мингга яқин бола иштирок этиши кутилмоқда. Уларнинг 2 мингдан ортиги муносиб тақдирланади.

Ориф ЖУМАЕВ

“Меҳр” инсонпарварлик операцияси

Бағрикенглик ва олижаноблик ифодаси



Болажон

Биламан, не сабаб нигоҳинг маҳзун, Жажжи юрагингда нелар галаён. Толенинг баланддир, йўлларинг узун, Кел, сени бағримга босай, болажон!

Барчада ташвиш бор, ғам бор, муаммо... Қаноат бор жойда топилай имкон. Адашган онангта сўзим йўқ, аммо Кел, сени бағримга босай, болажон!

Кимлар хавотирга солди дилингни: Гоҳида оч эдинг, гоҳи чалажон. Қўркма, қўлларимга бергин қўлингни, Кел, сени бағримга босай, болажон!

Тунлар шивирлаган ўлимнинг саси, Тупроққа қоришиб окканида кон. Неларга гувоҳсан, маълум барчаси, Кел, сени бағримга босай, болажон!

Чўчима, ором ол, кечалар соқин: Ой сенга эрталар айтиб беради. Бахтли болаликнинг беғуборлигин, Ишон, Ўзбекистон қайтиб беради.

Руслан САБУРОВ



Ёшлар ойлиги бошланди

Ўзбекистон ёшлар иттифоқи Марказий Кенгаши Ёшлар пресс-клубида июнь — Ёшлар ойлигининг бошланиши муносабати билан навбатдан ташқари сессия бўлиб ўтди. Ёшлар иттифоқи мутасаддилари, ҳамкор вазирлик, идора ва ташкилотлар масъуллари, ҳудудий кенгаш раислари ҳамда ёшлар иштирокидаги тадбирда 30 июнь — Ёшлар кунига ҳозирлик кўриш ва уни юртимиз бўйлаб кенг нишонлаш бўйича кўзда тутилаётган муҳим лойиҳар тўғрисида маълумот берилди. Ойлик дорасида ёшларни ижтимоий-ҳимоя қилишга қаратилган лойиҳалар; ёшлар ўртасида маънавий-маърифий тадбирлар ҳамда ижтимоий-ҳуқуқий тарғибот; ёшлар тадбиркорлигини қўллаб-қувватлаш ва бандлигини таъминлаш; ёшлар ўртасида оммавий спорт мусобақалари ҳамда ҳарбий ватанпарварлик ҳафталиклари ўтказилди.

Боборовшан ҒОЗИДДИНОВ

Бир олам қувонч



“Камалак” болалар ташкилоти ташаббуси билан Жиззах вилоятида “Бахтли болалик” лойиҳаси амалга оширилмоқда.

У Халқаро болаларни ҳимоя қилиш кунига бағишланган. Лойиҳа доирасида мактабгача таълим муассасалари,

умумтаълим мактабларида байрам дастурлари, интерфаол ўйин ва машғулотлар ўтказилмоқда. Кунни кеча “Камалак”чилар Жиззах шаҳридаги 5-маҳсуе мактабгача таълим муассасаси тарбияланувчилари ҳолидан хабар олди. Ҳарбий оркестр болажонлар учун байрам дастурини хавола этди. Худди шундай тадбир Ўзбекистон Республикаси Миллий гвардияси билан ҳамкорликда 29-Меҳрибонлик уйида ҳам ташкил қилинди. Ўғил-қизлар турли спорт мусобақалари, интеллектуал ўйинларда қатнашиб, маҳорат ва иктидорини намойиш этди. Ёшлар иттифоқи ҳудудий кенгашининг байрам совгалари болажонларга олам-олам қувонч улашди.

Элдор НАВРЎЗОВ

Bandlikka ko'mak

Фақат 28 та шартнома имзоланди

Қашқадарё вилояти ҳокимлиги, Ёшлар иттифоқининг ҳудудий кенгаши, мудофаа ишлари ҳамда бандлик бошқармалари ҳамкорлигида Қарши шаҳридаги “Ватанпарварлар боғи” да мехнат ярмаркаси ўтказилди. Асосий эътибор ишсиз хотин-қизлар ҳамда муддатли

ҳарбий хизматни ўтаб қайтган ёшлар бандлигини таъминлашга қаратилди. Иш изловчиларга 300 дан ортиқ ташкилот, корхона ва муассаса томонидан 3 минг 500 дан зиёд вақант ўрин тақлиф қилинди. 28 нафар фуқаро ишга жойлаштириш бўйича шартнома имзолади.



Ярмаркага келганларга Марказий банк мутахассислари томонидан имтиёзли кредит олиш ва хужжатларини расмийлаштириш тартиби ҳақида маълумот берилди.

Иқбол АБДУХОЛИҚОВ, Ёшлар иттифоқининг вилоят кенгаши бўлими мудир

